

KERK by 'n KRUISPAD Week 8

Inleiding

Ons weet nie altyd **hoe om reg te dink oor die duiwel** en watter rol aan die duiwel te gee nie...

- Is die duiwel die oorsaak van versoekings en alles wat sleg en verkeerd gaan in ons wêreld?
- Is jong mense wat ontydig dood gaan die duiwel se skuld?
- Wat dan van ouer mense wat ook doodgaan?
- Is ongelukke en teleurstellings, mislukte beleggings, verkeerde besigheidstransaksies, gebroke verhoudings, skoolaansoeke wat nie slaag nie, planne wat nie uitwerk nie, parkeerplekke wat nie oopgaan nie die duiwel se skuld?

Moet ons bang wees vir die duiwel of nie?

Skriflesing:

Lees Openbaring 19:11-16

- Wie is die Ruiter op die wit perd?
- Hoe word hierdie Ruiter beskryf en watter leidrade gee dit vir ons oor sy rol?

(hoofgedagte waarby julle moet uitkom is dat die Ruiter op die wit perd/Christus die oorwinning behaal oor satan)

Lees Openbaring 20:7-10

- Wat belooft hierdie gedeelte is die uit-einde van die satan?

Dwarsdeur Openbaring lees ons van die stryd tussen die duiwel en die Here. Die stryd teen satan is 'n werklikheid.

- **Jesus** is self deur die duiwel versoek – **Matteus 4:1-11**
- In sommige gevalle **het Hy ook duiwels uitgedryf** as Hy mense gesond gemaak het.
- **Maar Jesus het nie** alles wat verkeerd geloop het tydens sy bediening op aarde aan die duiwel toegeskryf nie. Hy het bv mense op verskillende maniere gesond gemaak. Dink aan 'n paar verskillende maniere.

Die belangrike punt is dat die satan/duiwel se mag beperk is. En dat God se mag onbeperk is en God gaan die finale oorwinning behaal.

Hoe kan ons weerstand bied teen die duiwel? Lees Efesiërs 6:10-20

- Waar lê ons diepste hoop en sekuriteit?

- Ons is nie magteloos nie en kan onself sterk maak en voorberei vir die aanslae/versoekings van die duiwel. Watter belofte is daar in elkeen van die dele van die wapenrusting
 - **Waarheid** as gordel – wat is die funksie van ‘n gordel?
 - **Vryspraak** as borsharnas – wat beskerm die borsharnas?
 - Watter soort **skoene** dra ons?
 - Watter funksie het ‘n skild? Hoe wil **geloof** dieselfde funksie vervul?
 - **Verlossing** as helm? Hoe beskerm verlossing ons gedagtes?
 - Die **swaard** van die Gees is die Woord van God. Hoe kan ons die Woord gebruik teen die duiwel (enigste wapen vir aanval)?
- **Watter uitdaging is daar in v 18?**

Lees weer **Openbaring 19:13, 15 en ook weer 1:16**. Jesus se sterkste wapen in Openbaring in sy stryd teen die satan is die Woord. Ook as Hy versoek word gebruik Hy keer op keer die Woord.

- Onthou ook: God skep met sy Woord. God se Woord bring lewe

Uitdaging: Hoe kan julle mekaar help om die volgende week die Woord van God te gebruik om julle te help in julle verhouding met die Here en julle stryd teen die duiwel.

Bid vir 3 sake

1. **Dank God vir sy Woord en die beloftes dat Hy die finale oorwinning oor die Duiwel gaan behaal.**
2. **Dank Jesus vir die kruis en die oorwinning wat Hy daarmee behaal het oor die dood en die duiwel.**
3. **Bid vir:**
 - Corne en Angela en familie met haar afsterwe,
 - Janneman en Christelle Human met sy pa se afsterwe,
 - Vanessa Crots (rug-operasie in Mei),
 - Vivienne het verlede week gekraam, maar die kleintjie is in ICU met “unregular sugar” – bid asb vir haar gesondheid
 - Sumien en Johan wat later in die maand ook gaan kraam

Verklarings van beelde en simbole (om selleier te help en vir sellede wat meer wil weet)

Openbaring 19:11-16

- + Hemel is oop v 11- ons kan maar ingaan, ons is welkom...!
- + Ruiter op wit perd v 11 – verteenwoordig Jesus – wit = rein, perd = gebruik vir oorlog
- + Getrou, betroubaar v 11 = ons kan Hom op sy Woord vat...
- + Oordeel regverdig v 11 – kan Hom maar vertrou (terug na verlede week se Bybelstudie)
- + Oë wat vlam soos vuur v 12 – vuur = om mee skoon te brand, louter, toets egtheid van metale
- + Heerserskrone – v 12 – baie heerserskrone, heers op baie tereine en plekke – nie net in die kerk nie!
- + Naam op Hom – v 12 – naam is NB vir identiteit – verduidelik wie Hy is – “”Naam bo elke naam” Kyk ook Fil 2:9, Miga 4:5, Psalm 138:2
- + Bloed-deurweekte klere – v 13 – verwys na Jesus se bloed wat vir ons vloei, waarborg ons redding, maar onderstreep ook die prys wat Hy bereid was om vir ons te betaal
- + Fyn wit klere – v 14 – wit klere ‘n teken van reinheid, skoongewas in Jesus se bloed, ook teken van oorwinning
- + Skerp swaard uit sy mond – v 15 = Woord van God - Openb 1:16, Hebr 4:12
- + Ystersepter – v 15 wys op die permanensie van sy heerskappy
- + Parskuip trap – v 15 – dui op God se oordeel

Openbaring 20:7-10

- + 1000 jare waar satan gebind is v 1-7 – dui op ‘n volledige tydperk (10 x 10 x 10) – dit wil lyk of dit op ‘n tussentyd dui voor die finale oordeel plaasvind, maar die meeste verklaarders is effens onseker hieroor – bevestig die berperktheid van satan se mag en invloed
- + Gog en Magog – lees Eseg 38:2 – Gog was die hoof van Magog en verteenwoordig al die magte noord van Israel in die omgewing van die huidige Turkye, Iran, moontlik selfs deel van suidwes Rusland
- + Vuur van die hemel v 9 = God se oordeel, vuur vernietig